

## CINNEADH Ó CHOMHCHOISTE LEE Uimh. 272/2022

an 23 Meán Fómhair 2022

**lena leasaítear Prótacal 47 a ghabhann le Comhaontú LEE, maidir le bacainní teicniúla ar thrádáil fíona a dhíothú [2023/801]**

TÁ COMHCHOISTE LEE,

Ag féachaint don Chomhaontú ar an Limistéar Eorpach Eacnamaíoch ('Comhaontú LEE'), agus go háirithe Airteagal 98 de,

De bharr an mhéid seo a leanas:

- (1) Rialachán Tarmligthe (AE) 2018/273 ón gCoimisiún an 11 Nollaig 2017 lena bhforlíontar Rialachán (AE) Uimh. 1308/2013 ó Pharlaimint na hEorpa agus ón gComhairle a mhéid a bhaineann le scéim na n-údaruithe le haghaidh planduithe fíniúnacha, clár na bhfionghort, doiciméid tionlacain agus deimhniúchán, an clár isteach agus amach, dearbhuithe éigeantacha, fógraí agus foilsíú faisnéise ar tugadh fógra fúithi, agus lena bhforlíontar Rialachán (AE) Uimh. 1306/2013 ó Pharlaimint na hEorpa agus ón gComhairle a mhéid a bhaineann leis na seiceálacha agus na pionóis ábhartha, lena leasaítear Rialachán (CE) Uimh. 555/2008, (CE) Uimh. 606/2009 agus (CE) Uimh. 607/2009 ón gCoimisiún agus lena n-aisghairtear Rialachán (CE) Uimh. 436/2009 ón gCoimisiún agus Rialachán Tarmligthe (AE) 2015/560 ón gCoimisiún <sup>(1)</sup>, tá sé le hionchorprú i gComhaontú LEE.
- (2) Rialachán Cur Chun Feidhme (AE) 2018/274 ón gCoimisiún an 11 Nollaig 2017 lena leagtar síos rialacha le haghaidh chur i bhfeidhm Rialachán (AE) Uimh. 1308/2013 ó Pharlaimint na hEorpa agus ón gComhairle a mhéid a bhaineann le scéim na n-údaruithe le haghaidh planduithe fíniúnacha, deimhniúchán, an clár isteach agus amach, dearbhuithe agus fógraí éigeantacha, agus le haghaidh chur i bhfeidhm Rialachán (AE) Uimh. 1306/2013 ó Pharlaimint na hEorpa agus ón gComhairle a mhéid a bhaineann leis na seiceálacha ábhartha agus lena n-aisghairtear Rialachán Cur Chun Feidhme (AE) 2015/561 ón gCoimisiún <sup>(2)</sup>, tá sé le hionchorprú i gComhaontú LEE.
- (3) Le Rialachán Tarmligthe (AE) 2018/273 aisghairtear Rialachán (CE) Uimh. 436/2009 ón gCoimisiún <sup>(3)</sup>, atá ionchorpraithe i gComhaontú LEE agus atá le haisghairm, dá réir sin, faoi Chomhaontú LEE.
- (4) Is le reachtaíocht maidir le fíona a bhaineann an Cinneadh seo. An reachtaíocht a bhaineann le fíona, ní bheidh feidhm aici maidir le Lichtinstéin fad a leathnófar cur i bhfeidhm an Chomhaontaithe idir an Comhphobal Eorpach agus Cónaidhm na hEilvéise maidir le trádáil i dtáirgí talmhaíochta chun Lichtinstéin a chumhdach, mar a shonraítear sa seachtú mír den réamhrá ar Phrótacal 47 a ghabhann le Comhaontú LEE. Dá bhrí sin, níl feidhm le bheith ag an gCinneadh seo maidir le Lichtinstéin.
- (5) Dá bhrí sin, ba cheart Prótacal 47 a ghabhann le Comhaontú LEE a leasú dá réir sin,

TAR ÉIS AN CINNEADH SEO A GHLACADH:

*Airteagal 1*

Foscúibhinn 1 a ghabhann le Prótacal 47 a ghabhann le Comhaontú LEE, leasófar í mar a leanas:

1. Cuirtear an méid seo a leanas isteach i ndiaidh phointe 8 (Rialachán (AE) Uimh. 1308/2013 ó Pharlaimint na hEorpa agus ón gComhairle):
  - '8a. **32018 R 0273:** Rialachán Tarmligthe (AE) Uimh. 2018/273 ón gCoimisiún an 11 Nollaig 2017 lena bhforlíontar Rialachán (AE) Uimh. 1308/2013 ó Pharlaimint na hEorpa agus ón gComhairle a mhéid a bhaineann le scéim na n-údaruithe le haghaidh planduithe fíniúnacha, clár na bhfionghort, doiciméid tionlacain agus deimhniúchán, an clár isteach agus amach, dearbhuithe éigeantacha, fógraí agus foilsíú faisnéise ar tugadh fógra fúithi, agus lena bhforlíontar Rialachán (AE) Uimh. 1306/2013 ó Pharlaimint na hEorpa agus ón gComhairle a mhéid a bhaineann leis na seiceálacha agus na pionóis ábhartha, lena leasaítear Rialachán (CE) Uimh. 555/2008, (CE) Uimh. 606/2009 agus (CE) Uimh. 607/2009 ón gCoimisiún agus lena n-aisghairtear Rialachán (CE) Uimh. 436/2009 ón gCoimisiún agus Rialachán Tarmligthe (AE) 2015/560 ón gCoimisiún (IO L 58, 28.2.2018, lch. 1).

<sup>(1)</sup> IO L 58, 28.2.2018, lch. 1.<sup>(2)</sup> IO L 58, 28.2.2018, lch. 60.<sup>(3)</sup> IO L 128, 27.5.2009, lch. 15.

Chun críocha an Chomhaontaithe seo, tá forálacha an Rialacháin Tarmligthe oiriúnaithe mar a leanas:

(a) Ní bheidh feidhm ach ag na forálacha seo a leanas den Rialachán:

Airteagal 1(c),

Airteagal 2,

Airteagail 8 agus 9,

Míreanna (1), cé is moite de phointí (a)(iii) agus (b) de, (2), (3) agus (5) d'Airteagal 10, cf. Iarscríbhinn V, Ranna A, B agus C,

Airteagal 11, cf. Iarscríbhinn VI, Cuid I,

Airteagal 14, cé is moite de phointe (b) de mhír (1),

Airteagail 16 go 19, agus

Airteagal 50(1)(b) agus (2).

Beidh feidhm ag na forálacha leis na hoiriúnuithe is féidir a dhíorthú ó fhorálacha phríomhthéacs an Chomhaontaithe, na hoiriúnuithe cothrománacha sa réamhrá ar Phrótacal 47 a ghabhann leis an gComhaontú agus na hoiriúnuithe sonracha i bhFoscríbhinn 1 a ghabhann le Prótacal 47 a ghabhann leis an gComhaontú.

(b) Cuirtear an méid seo a leanas in ionad an dara habairt d'Airteagal 17(2) agus in ionad an dara habairt den tríú fomhír d'Airteagal 18(1):

‘Déanfar an fhaisnéis sin a chur ar aghaidh i gcomhréir le Foscríbhinn 2 a ghabhann le Prótacal 47 a ghabhann leis an gComhaontú.’

8b. **32018 R 0274:** Rialachán Cur Chun Feidhme (AE) 2018/274 ón gCoimisiún an 11 Nollaig 2017 lena leagtar síos rialacha le haghaidh chur i bhfeidhm Rialachán (AE) Uimh. 1308/2013 ó Pharlaimint na hEorpa agus ón gComhairle a mhéid a bhaineann le scéim na n-údaruithe le haghaidh planduithe fíniúnacha, deimhniúchán, an clár isteach agus amach, dearbhuithe agus fógraí éigeantacha, agus le haghaidh chur i bhfeidhm Rialachán (AE) Uimh. 1306/2013 ó Pharlaimint na hEorpa agus ón gComhairle a mhéid a bhaineann leis na seiceálacha ábhartha agus lena n-aisghairtear Rialachán Cur Chun Feidhme (AE) 2015/561 ón gCoimisiún (IO L 58, 28.2.2018, lch. 60).

Chun críocha an Chomhaontaithe seo, tá forálacha an Rialacháin Cur Chun Feidhme oiriúnaithe mar a leanas:

Ní bheidh feidhm ach ag na forálacha seo a leanas den Rialachán Cur Chun Feidhme:

Airteagal 12 agus Airteagal 35(1).

Beidh feidhm ag na forálacha leis na hoiriúnuithe is féidir a dhíorthú ó fhorálacha phríomhthéacs an Chomhaontaithe, na hoiriúnuithe cothrománacha sa réamhrá ar Phrótacal 47 a ghabhann leis an gComhaontú agus na hoiriúnuithe sonracha i bhFoscríbhinn 1 a ghabhann le Prótacal 47 a ghabhann leis an gComhaontú.’

2. Cuirtear an fhleasc seo a leanas isteach i bpointí 10 (Rialachán (CE) Uimh. 606/2009 ón gCoimisiún) agus 11 (Rialachán (CE) Uimh. 607/2009 ón gCoimisiún):

— **32018 R 0273:** Rialachán Tarmligthe (AE) 2018/273 ón gCoimisiún an 11 Nollaig 2017 (IO L 58, 28.2.2018, lch. 1).’

3. Scriostar téacs phointe 9 (Rialachán (CE) Uimh. 436/2009 ón gCoimisiún).

## Airteagal 2

Is téacs barántúil a bheidh i dtéacs Rialacháin Tarmligthe (AE) 2018/273 agus Rialachán Cur Chun Feidhme (AE) 2018/274 san Íoslainnis agus san Ioruais, téacsanna atá le foilsiú i bhForlónadh LEE d'Iris Oifigiúil an Aontais Eorpaigh.

*Airteagal 3*

Tiocfaidh an Cinneadh seo i bhfeidhm an 24 Meán Fómhair 2022, ar choinníoll go mbeidh na fógraí uile faoi Airteagal 103(1) de Chomhaontú LEE tugtha \*.

*Airteagal 4*

Foilseofar an Cinneadh seo i Roinn LEE, agus i bhForlónadh LEE, d'Iris Oifigiúil an Aontais Eorpaigh.

Arna dhéanamh sa Bhruiséil, an 23 Meán Fómhair 2022.

*Thar ceann Chomhchoiste LEE*

*An tUachtarán*

Kristján Andri STEFÁNSSON

---

(\*) Ní shonraítear aon cheanglas bunreachtúil.